

和腹痛用川芎爲末每服二錢溫酒調下○治妊娠
三兩月胎動不安防其欲墜用杜仲去粗皮姜汁炒
去絲川續斷酒浸各二兩爲末煮棗肉和丸如桐子
大每服七十九米飲下○凡婦人始覺有孕用雄黃
一兩以絳囊盛帶養胎轉女爲男○若覺有孕一兩
月即著夫衣冠平日繞水三匝映水視影勿反顧必
生男須要於甲丙戊庚午陽日作乃効○凡有孕飲
食起居悉宜詳慎苟或不能禁忌必致子母俱各有
傷○若有孕食犬肉令兒無聲○食兔肉令兒缺唇
及難產○食馬驢驘肉令兒過期不生○食蟹令兒
橫生○食乾姜令胎肉消○服犀角亦能消胎○食
葷臭物令兒患腋氣○食雀肉令子淫亂面多黥
食梨并太熱太冷物皆能傷胎

胎前諸證

治妊娠四五月忽腹絞痛用棗十四枚燒焦爲末童
便調服○治妊娠卒腰痛用鹿角五寸燒赤內酒一
升中浸冷又燒浸如此數遍研細爲末空心酒調方
寸七服○治胎前腹痛脚腫用陳皮甘草赤茯苓各
三錢蒼朮木瓜白朮各五錢姜棗煎服○治妊娠不
得小便用滑石末水和泥臍下二寸○治妊娠心氣

病用艾葉茴香川練子俱炒等分醋煎服○治妊娠
熱病心悶用葛根搗汁二升分三服或再服用葛一
兩水一盞煎半盞服日三大効○治妊娠瘡疾用夜
明沙爲末茶清調三錢空心服○治妊娠患淋小便
數熱痛手足煩疼用地膚子或莖葉五兩水四升煎
取二升半分溫三服兼治男子○治妊娠小便數不
禁用蜈蚣十二枚爲末分作二服米飲調下亦治男
子陰痿洩精遺溺白濁○治妊娠小便不利用蕪菁
子末水調方寸七日二服○治妊娠患淋用葵子一
升水三升煮二升分二服無葵子用根一把亦可○

治妊娠體腫小便不利微渴用猪苓五兩爲末熟水
調方寸七日三服○治胎前產後痢用敗龜板一枚
米醋炙搗爲末米飲調下○治臨產痢用施子燒灰
爲末空心熟水調一匙甚者不過五服○治妊娠血
痢用阿膠二兩酒一升半煮一升頓服○治妊娠下
痢膿血及咳嗽用白朮黃芩當歸等分爲末每服三
五錢水煎去滓食前服加桑白皮止咳○治產中咳
嗽用黃蘗桑白皮蜜炙黃等分爲末每服三錢水一
盞入糯米二十粒煎六分以欬冬花燒灰六錢同調
溫服○又方用鐵秤錘燒赤投於一升酒中溫服大

効亦治孕婦心腹痛服下立愈○治妊娠惡心嘔吐
清水腹痛不食用人參乾姜炮等分爲末以生地黄
汁丸如桐子大每服五十九米湯下○治妊娠惡阻
醋心胸腹冷痛吐逆不食用半夏湯泡七次人參乾
生薑各半兩爲末以生地黄汁浸蒸餅丸如桐子大
每服四十九米湯下○治妊娠宿有風冷胎痿不長
或動傷胎氣多致損常服壯氣益血護胎用牡蠣
煨五錢白米川芎各一兩蜀椒去目炒七錢爲末每
服一錢空心溫酒調下○治妊娠心驚膽怯終日煩
悶用白茯苓二錢防風麥門冬去心黃芩各一錢水
一盞竹葉五片煎七分服不拘時一方去黃芩用人
參○治妊娠小便不通用赤茯苓冬葵子等分每服
五錢水二盞煎一盞溫服或爲末每服二錢米飲調
下不拘時兼治身重惡寒眩暈如轉胞加髮灰少許
極妙○治妊娠胎水不利胸滿腹脹小便不通通身
浮腫或胎動用當歸白芍藥白茯苓白朮各一錢以
鯉魚一尾洗去鱗腸白水煮熟去魚用汁盞半生薑
七片橘皮少許同煎一盞空心服以胎水去盡爲度
○治妊娠遺尿不禁用白薇白芍藥等分爲末每服
二錢食前溫酒調下○治妊娠腹中疼痛下痢用白

芍藥白茯苓當歸澤瀉川芎各一兩白朮一兩半為末每服二錢空心溫酒米飲任下

妊娠傷寒

治妊娠七月傷寒壯熱赤斑變為黑斑瀉血用葱一把水三升煮熟服之食葱令盡○又方用艾葉一兩酒三鍾煎一鍾半分為二服○治妊娠傷寒中風表虛自汗頭痛項強身熱惡寒用四物湯加蒼朮細辛煎服○治妊娠傷寒頭痛身熱無汗用四物湯加防風麻黃煎服○治妊娠傷寒下後過經不愈溫毒發斑如錦紋用四物湯加升麻連翹煎服○治妊娠傷寒汗下後咳嗽不止用四物湯加人參五味子煎服○治妊娠傷寒汗下虛痞脹滿用四物湯加厚朴枳實煎服

滑胎

治產前滑胎用牽牛一兩赤土少許研極細每覺轉痛頻煎榆白皮湯調一錢七下○治妊娠逆產用枳殼去白麩炒四兩甘草炙二兩為末每服一錢空心如茶點服自五月以後一日一服至臨月易產仍無胎中惡病忌登高廁○治妊娠臨月易產用榆白皮焙乾為末每服方寸匕湯調下日三服產極易○治

孕九箇月將產用猪肚一箇葱椒五味熟煮食之勿
與別人食○治妊娠易產用五月五日採莧菜和馬
齒莧等分爲末每服三錢井花水調下易產○治妊
娠因病欲去胎用麥孽二兩水一盞半煎一盞分溫
三服○治臨產催生用鐵器燒赤淬酒一盞飲便令
分解○又方用通明滴乳爲末如覺腰腹痛急用一
匕沸湯或酒調服甚有益但不可過多恐兒骨力傷
軟○又方用草麻子細研傳產婦手足心產後速拭
去亦治瘡疥○又方用猪脂一兩葱白一寸切熬成
油通口服○治妖胎不出用半夏白欵生用等分爲
末每服一錢臨卧酒下小產一服橫生二服倒生三
服人行一里進一服○治妊娠令易產用大麻根三
莖水一升煎半升頓服立下胎衣不下服之亦効

難產

治難產用黃葵子炒七十粒研爛酒調服即下或爲
末井花水調二錢匕服如無子以根細切濃煎汁待
冷服○又方用蜀葵子一合搗碎水二升煮一升去
滓頓服半升則小便與兒便出若臨產煮葉食則易
產○又方用赤小豆生吞七粒若良久不下即是女
也又吞七粒即產○又方用草麻子兩手各把一枚

須臾立下○又方用敗筆頭一枚燒灰爲末研生藕
汁一盞調服立產○又方用鼯鼠即飛生皮毛與產
婦持之令易生○又方用水馬手中持之則易產○
又方用牛糞中大豆一枚擘作兩片一片書火一片
書水以少水吞之立產○又方用路傍破草鞋
草燒灰存性酒調下○又方用雙頭蓮即催生草臨
產時左手把之隨即生下○又方用石燕子令產婦
兩手各握一枚須臾生下○又方用益母草搗取汁
七合煎半盞頓服之立下乾者一握水七合煎服○
又方用弓弩弦縛腰及燒弩牙令赤內酒中飲之○

又方用槐子七枚水吞下立出○又方用百草霜白
芷等分爲末童便和少醋打成膏熱湯調下○又方
用干槌花即鑿柄蓬頭燒灰存性爲末急流水調下
○治血氣不旺臨產難產用麝香一錢鹽豉一兩舊
青布包裹燒紅急研細爲末以鐵秤錘燒紅淬酒一
盞調二錢服○治難產并胞衣不下用貝母七枚爲
末酒調服○又方用童便一升姜葱各一分煎三兩
沸乘熱飲便下○又方用蓖麻子七枚細研塗腳心
子及胞衣纔下便出洗去不爾腸出即用此膏塗頂
腸當自入○治難產心不下用蛇皮燒灰入麝香

少許研細溫酒調下立產○治難產用細墨一寸爲末冷水調下○又方用鱉甲燒灰爲末每服三錢溫酒調下○治產經數日不下或胎死腹中用玄明粉四錢以清油蜂蜜各一兩溫熱調下須臾即產累驗○又方用瞿麥爲末五七錢水一盞煎濃汁頓服便下亦治小便不通明目止霍亂○治二三日不產或橫生倒產或胎死不下用地龍洗淨瓦上焙乾陳皮蒲黃等分另爲末各以一錢新汲水調下極驗○治難產用金箔三片兔毫散筆頭三個燒灰爲末鎔黃蠟和丸如桐子大作一服酒吞下如又經日不下用雲母粉半兩澄過研細以無灰酒下極效

逆產

治橫生倒產用原蚕子紙燒灰爲末每服三錢米飲調下○又方用蓮花葉上書人字水吞之○又方用伏龍肝爲末酒調二四錢服○又方用銅錢三枚燒紅淬酒一盞飲○又方用兔絲子爲末酒調一錢下米飲調亦得○又方用車前子爲末酒調二錢服○又方用當歸爲末酒調方寸七下○又方用蜀葵花爲末酒服方寸七○治倒生手足冷口噤用冬葵子炒黃爲末酒服二錢七則順○治橫生難產用蛇

皮一條瓦瓶盛之鹽泥固濟燒爲黑炭存性爲末每服二錢榆白皮酒調下立効○治生產不順手足先見用蛇皮燒灰研細面東酒服一錢七及以末傅手足即順○又方用百草霜一兩香白芷半兩爲末每用二錢先以童便好醋調稀更入沸湯化服甚効凡臨產皆可用此催生○又方用臘月兔腦去膜乳香末一分毋丁香末一錢麝香一字研勻丸如雞頭大陰乾油紙密封臨產破水後溫水下丸即時產下隨男左女右手握藥出是驗○又方用蓖麻子三十箇研爛婦人頂上剃去髮少許塗之須臾覺腹中提

正便刮去却於脚心塗之自然生也○又方用槐子七粒研細新汲順流水調下○又方用烏蛇退一條蟬退一十箇頭髮一束共燒灰爲末溫酒調下仰卧片時即順生○又方用小針就兒足心各刺三五針急用鹽塗刺處即順○又方用黑鉛一錢銚內火上鎔開投水銀一錢急攪結成砂子傾出以熟絹衫角紐作丸如菘苳臨產時吞下二丸立便順產○治胎氣肥大橫逆難產用飛生毛毋羊糞血餘俱燒灰各半錢竈心土一錢硃砂半錢別研黑鉛二錢銚內火上鎔投水銀半錢急攪成砂子傾出研細共研

勻以粽子角丸如菘豆大遇難產以倒流水吞五丸下○治產難橫逆并安胎順氣用益母草五月五日採莖葉陰乾忌鐵器以石磨爲末煉蜜丸如彈子大每服一丸臨產以童便溫酒下若氣不順用木香人參湯并艾醋湯下

子死腹中

治子死腹中用真珠二兩爲末酒調服○又方用好黃明乳香端午日午時或陰夜收猪心血和丸如雞頭大以紅絹袋盛掛門上有患者令酒磨下一丸○又方用榆白皮濃煮汁服二升卽下或母病欲下胎

亦服之○又方用葵子末酒服方寸七若口噤幹開灌之藥下卽活○又方用伏龍肝二錢水調下土在頭上戴出○又方用益母草一握搗絞汁服之卽下○又方用硃砂一兩以水煮數沸爲末酒調服卽出○又方用大豆三升醋煮濃汁三升頓服母欲悶絕者亦立產○又方用硃砂當歸各一兩研極細分作二服溫酒調下如重車行五里不下再一服○又方用麝香半錢別研官桂三錢爲末和勻只作一服溫酒調下死胎卽出○治胎死腹不下婦人口中屎臭唇青口出冷氣指甲青用枳椇根爲末逆流水調

下五六錢立愈○又方用羨菟子貝母等分爲末每服三錢米飲調下難產胎衣不下並宜服○又方用朴硝二錢爲末童便調下○又方先用平胃散一貼作二服每服酒水各一盞煎至一盞投朴硝末再煎沸去滓溫服其胎即化爲血水而下

胎衣不下

治胎衣不下用竈心土二撮研細酒調服○又方用蓖麻子十四粒去殼搗爛以少白麪和成膏貼足心衣下即洗去如腸出即以此藥塗頂心回腸神效○又方用最初洗兒湯一盞與服莫令知○又方用竈

下土二升醋調內臍中服甘草湯一盞即下○又方用花蕊石一兩硫黃四兩煨爲末童便熱調一錢服立効敗血不盡惡血奔心胎死腹中並用童便調服極効煨法載折傷門○又方用赤小豆一升炒過水三升煮二升去豆取汁溫服立下○又方用本人手足指甲燒灰酒調服却令人抱起將竹筒於心上趕下○又方用雞子清三個去黃以好醋一合和之啜服即下○又方令產婦嚼自己髮尾於口中令嘔噦衣即下

腸脫陰腫

治產後陰腫下脫腸出玉戶不閉用石灰五升炒黃

以水一斗投灰中澄清煖洗頭更即上神効○又方
用鯽魚頭焙乾爲末半服半梳即收上○又方用蛇
床子以絹袋盛蒸熱熨之若腰疼牙疼蒸熨亦愈○
又方用蓖麻子四十九粒去殼研爛塗腦頂即收入
隨用溫湯洗藥去淨○治產後或平居偶因用力太
過努蟲子腸不收用熟艾炷灸百會穴三五七收即
收上若恐其再脫更灸臍中數壯極効○又方用樗
樹根葱白花椒煎湯薰洗○治產後脫腸不收用油
五升煉熟以盆盛候溫令產婦坐油盆中約一頓飯
久用阜角炙脆去粗皮筋子爲末以少許吹入鼻中
令作嚏立差神効○治產後陰腫用桃仁燒搗爛傅
之○又方用葱白乳香同搗爛貼腫上○又方用枳
殼半斤剉細炒熱故帛裹熨冷即易之○又方用柑
子皮爲末每服二錢溫酒調下或用陳皮亦可

產後血暈

治產後血暈用蘇木三兩剉碎水五鍾煎二鍾入少
酒分作二服○又方用血竭一兩爲末每服二錢溫
酒調下○又方用炭燒紅以醋溼薰之○又方用穿
山甲一兩童便浸一宿炙黃爲末每服一錢狗膽少
許鞞酒調下○又方用紅花三兩爲末好酒童便各

一盞煎取一盞去滓頓服口噤者斡開灌之○又方
用五靈脂二兩半炒半生爲末每服一錢溫湯調下
口噤者斡開灌之入喉即愈○治產後血暈心頭硬
乍寒乍熱氣欲絕用續斷一握水三升煎一升溫分
三服如人行三里再服○治產後心悶血暈手足煩
熱用接骨木即蒟蒻破如筭子一握水一升煎半升
溫分二服或小便數惡血不止服之即差○治產後
惡血上攻倉卒昏亂用當歸二兩煎服即定○治產
後惡血煩悶用殺羊角燒灰酒調服又治小兒驚癇
○治產後餘血攻心或下血不止面青身冷用新雞

血一盞飲之三四服○治產後心悶不識人事者
用羚羊角燒灰以甫流水調方寸七服未差再服亦
治血氣熱滿胸脇眩痛○治產後下血不止用菖蒲
一兩半酒一盞煎一盞去滓溫分三服○又方用蒲
黃三兩水三升煎一升頓服○又方用乾地黃石器
內搗爲末每服二錢食前熱酒調連進三服○治產
後穢污不盡腹滿心悶手脚煩熱血暈用延胡索爲
末酒調一錢服立効○治產後惡血衝心痛氣悶欲
絕用桂心三兩爲末狗膽汁和丸如櫻桃大熱酒磨
下二丸○治產後惡血衝心或胎衣不下腹中血塊

用綿紋大黃一兩爲末好醋三升同熬成膏丸如桐子大每服五丸溫醋半盞化下亦治馬墜內損○治產後血淋不禁止餘血彌痛有塊用桂心乾姜等分爲末空心酒調方寸七服○治產後或落胎血不止用桑白皮炙水煎服○又方用百草霜三錢研細好酒調服○治產後血餘不盡疼悶心痛用荷葉熬令香爲末煎水調方寸七下○又方用生姜汁一盞飲之○治產後餘血不去用麻子五升酒一斗漬一宿用旦溫服一升未差夜再服不得與男子通一月將養如初○治產後惡物不盡腹中疼痛用生乾地黃

當歸各炒一兩生姜半兩細切新瓦上焙焦黑爲末每服二錢姜湯調下○又方用麻黃去節爲末酒調方寸七日二三服血下盡則止○又方用升麻三兩酒五升煮二升半分溫再服○又方用益母草搗汁每服一小盞入酒一合攪勻溫服○治產後猶有餘血水氣者宜服豆淋酒用黑豆五升熬烟絕傾磁器中以酒一斗乘熱沃之旋服○治產後血暈及中風自上視四肢強直用荊芥末二三錢童便一盞酒醋一盞調下嚥良久即活甚驗○治產後血暈用好醋煎熱稍稍哈嚥即愈○治產後暈絕用生麩末水調

方寸匕服再服即差○治產後敗血上衝發為血暈
用陳艾一兩煎湯入醋服之極効○治產後血不乾
或一月之後黃如灰汁者日久成帶用竹紙楮皮紙
各五張燒灰荊芥穗一握半夏半錢酒水同煎食前
服○治小產血不盡用鹿角屑一兩豆豉三合水三
升先煮豉沸去滓下角屑再煮沸溫頓服敗血即下
○治產後血風攻腦煩旋悶絕不省人事用喝起草
嫩心即纔出土蒼耳苗是也陰乾為末每服三錢溫
酒一盞調服當時涌頂門即甦省○治產後血迷暈
絕不省人事心頭濕者用半夏為末冷水丸如大豆

內鼻中即愈此扁鵲法大効

產後中風

治產後中風語澁四肢拘急用羌活三兩為末每服
五錢水酒各半盞煎溫服○治產後中風背強口噤
或煩熱苦渴頭重身痒嘔逆直腿此皆虛熱用大豆
三升熬極熟候無聲以磁器盛用酒五升沃之可得
二升盡服覆令少汗身潤即愈凡產後宜常稍服以
防風氣又消結血○治產後中風用水蘇一握酒二
鍾煎一鍾服若崩中帶下血痢肺痿水煎服○治產
後百病血熱中風背強熱渴身腫嘔逆痲痺疼痛用

大豆五升急水淘淨炒微溫置瓮中以無灰酒一斗沃之經一日服酒一升以差爲度如素不飲酒量多少服若口噤加獨活半斤槌破同沃仍增酒一斗二升逐月旋作恐酸壞又可爲豆腐食之○又方用烏豆三升炒聲絕雞屎三升炒黃色酒三升半乘熱淋雞屎澄清却以熱豆一升投酒中溫服之汗出即効重者一日一劑輕者一日一服亦治男子中風重者無不愈輕者不可用恐吐利難禁○治產後中風口噤頑麻如角弓反張用姜活防風各二兩酒五升漬一宿以大豆一升炒煙生乘熱傾酒中攪動閉半日每取一鍾溫服

○又方用雞屎白一抄酒一升煎服立愈○治產後五七日中風咬定牙關不省人事用桃仁一兩荊芥穗二兩爲末每服三錢水一盞煎八分溫服須臾便省極驗○治產後中風角弓反張口噤用大蒜三十瓣水三升煮取一升幹開口灌之即省○治產後中風口噤舌縮不語用芥菜子一升爲末好醋三升煮取一升頻傳頰頰下遂愈○治產後中風并角弓風眼及上四肢搐搦用荊芥子一兩爲末每服二錢溫酒調下神効○治產後中風煩渴用紅花子五合微炒杵碎每服一大匙水一盞煎七分徐徐呷服○治產

後風虛用白蘚皮獨活各三兩爲粗末酒水各二盞煎取二盞分三服或單用白蘚皮亦妙○治血風虛冷月候不勻五心煩熱或頭面浮腫或身體頑麻用川烏一斤去皮臍小油四兩解盞四兩於砂鍋內炒裂如桑椹子色爲度同爲末五靈脂四兩別研和勻酒浸蒸餅丸如桐子大每服十九空心溫酒或鹽湯送下日二服大効○治產後中風腰脅不得轉動用生地黃生姜各五兩另研取汁交互以汁浸滓一宿次日漬盡汁各炒黃爲末每服二三錢酒調下

乳汁少

治乳無汁用鬼箭五兩水六升煮四升一服八合日三服大効○治乳令汁多燒野豬膏每用一匙和酒一盞日三服十日後可供三四孩兒飲○治乳汁少用桔樓爲末每服方寸匕酒調或米飲調日二服即流溢○又方用土瓜爲末酒調一錢日三服○又方用精猪肉或豬蹄煮清汁和美味調益元散五七錢食後連服三五服更用水梳梳乳周迴乳汁自下○又方用三稜三箇水二碗煎一碗洗乳取汁極効○又方用葵子煎湯飲兼治五淋滑腸動風惟宜服丹石人○又方用萵苣三五根濃煎湯飲○又方用穿

山甲五錢爲末米泔水調服○又方用狐狸脂炙熟
溫酒研服○又方用栝樓子洗淨炒熟爲末每服半
匙服訖睡少頃便有乳○又方用栝樓根燒灰爲末
每服二錢匕米飲調下○又方用鍾乳石爲末每服
一錢酒調下○又方用白藥子爲末每服一錢煎猪
蹄湯調下○又方用漏蘆爲末每服一錢溫酒調下
○又方用白殭蚕爲末每服二錢酒一盞芝麻茶少
許同調熱服仍用木梳於妳上梳十遍乳汁自足○
又方用赤小豆煮汁頓飲乳如泉流○治氣脉壅塞
乳汁不行用漏蘆半兩蛇蛻炙三條栝樓三箇急火
燒存性爲末每服二錢溫酒調下仍喫熱羹助之○
治氣少力弱無乳汁用猪蹄一隻通草五兩水一斗
煮取汁五升飲之○又方鍼肩井二穴亦効

次乳

治吹乳用芭蕉葉搗爛傅貼○又方用白丁香半兩
爲末每服一錢匕溫酒調下○又方用穿山甲炙黃
木通各一兩自然銅半兩生用共爲末每服二錢溫
酒調下○又方用男子梳上百齒霜飯丸如桐子大
酒下三丸○又方用皂角燒灰爲末蛤粉等分酒調
一錢服○又方用樺皮燒灰存性爲末熱酒調下二

錢食後服○又方用蠶退燒灰五錢輕粉三錢麝香少許爲末每服二錢熱酒調下○又方用淘米木杓上沙子七粒酒吞下以吹簫杖透乳孔○又方用鼠糞五十粒麝香一字爲末食後熱酒一盞調服立愈○又方用頭垢丸如桐子大五丸以無根水下○治吹乳憎寒壯熱用猪肪脂冷水浸搗熱即易○又方用菖蔓燒灰爲末每服二錢匕熱酒調下不過三服愈○又方用女人口吮之吮時先口中含煖水旋吐數吮即差○治妬乳硬欲結膿令消用鹿角於石上磨白汁塗乾又塗不得手近以人啣去黃水即愈

治男子妬乳腫用蕪菁根生搗和鹽醋漿水煮汁洗之五六度差又搗和雞子白封之亦妙○治妬乳及癰用葵莖及子爲末酒服方寸七愈○治乳腫不消用赤小豆菴草等分爲末苦酒和傅之○治乳結硬痛用鱣魚皮燒灰空心煖酒服二錢匕○治乳癰汁不出內結膿腫用蜂房燒灰每服二錢水一盞煎六分去滓溫服○治乳癰如石硬先治軟用蛇蛻皮一尺燒灰爲末溫酒調下即軟次用車脂和蛤粉丸如豌豆大每服一九溫酒送下立愈○治乳癰用蛇蛻燒灰一錢甘草炙半錢爲末溫酒調下○又方用五

月五日粽箬燒灰酒調服即散○又方用馬鞭草一
握生姜一塊酒一碗搗絞汁服滓傳患處○治乳瘡
腫痛用芝麻一合炒焦研細以燈盞油調塗

產後暨雜證

治產後發渴用煉蜜以熱水溫調服○治產後口乾
舌縮用雞子一箇傾入一盞滾水內攪勻蓋少時服
○治產後虛勞發熱骨節疼痛汗出不止用猪腰子
一隻去膜切細鹽酒拌勻先用粳米一合入葱椒煮
粥鹽醋調和將腰子鋪碗底以熱粥蓋之如作盪生
狀空心服○治產後虛羸盜汗惡寒用菘蕒一合酒

三升漬半日煮服○治產後心悶目不開用赤小豆
生杵末東流水服方寸七末差再服○治產後不能
食煩滿用赤小豆三七枚燒灰存性爲末冷水調服
○治產後秘結膨脹不通氣急坐卧不安用麥蘖末
一合酒調服良久即通神効○治產後咳逆氣亂心
煩用乾柿一箇切細水煮啣服○治產後腹痛用羌
活二兩酒二升煎一升作三服○治產後血痢用生
薑切細以麪拌捏成毬子慢火炒焦黃爲末每服三
錢空心米飲調下○治產後血痢小便不通臍腹絞
痛用生馬齒菜杵汁三合煎一沸下蜜一合攪服○

治產後諸痢用薤白和肥羊肉去脂作炙食或以羊腰脂炒薤白食○又方用蒼耳葉搗汁溫服半盞日三四服○治產後惡露上潮痞結大小便不通用芒硝蒲黃細墨等分爲末童便水各半盞調三錢服○治產後虛弱和血通經用當歸一兩芍藥香附子炒各二兩爲末每服二錢米飲調下○治產後心腹絞痛欲絕者用蒲黃炒五靈脂酒研淘去沙土等分爲末先以好醋調二錢熬成膏入水一盞煎七分熱服○治產後心氣痛用雞子個熱酒一鍾打勻服○治產後喉乾咳嗽用豬脂胡粉煨過爲末白湯調漱嚥

○治產後腹中如錐刺痛用敗醬草五兩水四升酒二升煮取二升每服七合食前日三服大驗○又方用羌活爲末每服三錢酒煎服○治婦人小腹痛面青或黃或赤或黑不能喘息用苦參一兩爲末醋一盞半煮八分作二服○又方用禹餘糧石爲末每服二錢匕米飲調下日二三服極効○治婦人兒枕疼用陳壁殼燒灰爲末酒調服○治產多不絕用肉桂紅花麝香各半兩爲末以天落水丸如菉豆大每服五六十丸牛膝煎湯空心服○治婦人五心煩熱用赤芍藥水仙荷葉等分爲末每服二錢白滾湯調

下○治陰生瘡用鯽魚膽搽○治陰中蟲疽用杏仁
燒烟盡研如泥綿裹納之○治婦女肺熱久嗽身如
火炙肌瘦成勞用枇杷葉木通款冬花紫苑杏仁桑
白皮等分大黃減半各如常製同爲末蜜丸如櫻桃
大食後夜卧各含化一九終一劑即愈○治婦女中
風煩渴用紅花子五合微炒搗碎每服一匙水一盞
煎七分徐徐呷服○治婦人一切風攻頭日痛用天
南星一箇掘地坑子火燒令赤安於坑中以醋一盞
傾入蓋之不令透氣候冷取出爲末每服一字以酒
調下重者半錢○治婦人過忍小便致胞轉用滑石

末葱湯調二錢下○治婦人水戶嫁痛用烏賊魚骨
燒灰爲末酒調方寸七日三服○治婦人內傷痛楚
及暈并臍腹刺痛用沒藥研細溫酒調一錢服便止
○治婦人夢與鬼交用安息香硫黃合爲丸燒薰丹
允末斷○治婦人勞怯發熱吐紅四肢無力飲食少
進用人參一兩當歸生地黃黃連黃蘗各二兩爲末
煉蜜丸如桐子大硃砂爲衣米湯下三四十九日二
服○治婦人諸虛不足用當歸熟地黃各酒浸一宿
焙乾白芍藥川芎等分每服七八錢水一盞煎八分
溫服更隨證加減○血氣不調加吳茱萸甘草○胎

動下血加熟艾阿膠○補下元加乾姜甘草○血崩
淋瀝加炮附子赤石脂○便血及帶下加荆芥地椒
○血氣滯腹內刺痛加肉桂○產後傷風頭痛加石
膏甘草○血風勞加荆芥紫胡○潮熱加前胡子乾
葛人參黃芩○虛熱口乾加麥門冬黃芩○嘔吐不
止加藿香白朮人參○產後虛憊血熱煩悶加生地
黃○產後腹脹加枳殼肉桂○產後惡露腹痛不止
加桃仁蘇木牛膝○產後寒熱往來加紫胡麥門冬
○經血淋瀝不斷加炒乾蓮房○血滯不通加紅花
桃仁○大便閉加大黃桃仁○產後悶亂加茯神遠

志○虛而多汗加煨牡蠣桂枝○妊娠心腹痛加竹
茹○如有敗血則用當歸近上節白芍藥熟地黃煎
服○治婦人室女血氣不調及胎前產後諸疾用香
附子炒去毛半斤烏藥炒四兩甘草炙一兩為末以
生姜四兩葱白一握搗絞汁并好醋半碗共打糊丸
如彈子大每服二三丸○血氣不順心胸痞滿紫蘇
湯化下○翻胃嘔吐脾胃感冷以老姜一塊燒黑切
五片鹽少許煎湯化下○驚憂喜怒傷神心滿腫疼
面浮石菖蒲湯化下○血暈悶血刺痛血積血癥良
姜赤芍藥醋水各半盞煎湯化下○腹痛腰腿疼茵

香湯化下○喘滿氣急面浮生姜紫蘇湯化下○唾
血喉中腥氣黃桑葉湯化下○血滯大便秘結枳殼
或青皮湯化下○崩中帶下小便頻數炒吳茱萸湯
化下○經絡感熱血脈妄行生地黃湯化下○敗血
衝胃咳逆生姜柿蒂湯化下○妊娠傷食胸膈不快
木香或確砂湯化下○妊娠臨月近上逼心名曰子
懸亦用生姜紫蘇湯化下○產後寒氣入腹臍下刺
痛炒吳茱萸湯化下○產後子腸脫下鯽魚頭煎湯
化下

衛生易簡方卷之十一

衛生易簡方卷之十二

小兒

兒初生

治小兒初生用甘草二指節長炙透剉碎以水二合
取煮一合以指頭纏綿蘸汁點兒口中約一蜺殼吐
出胸中惡汁待其飢渴更與之若兩服不吐盡一合
止則兒智慧無病○又方初生時即用猪膽一枚以
水七升煎取四升澄清浴兒令長大及終身永無瘡
疥○治初生兒至十日口噤用牛黃少許研細以淡
竹瀝調一字灌之更以猪乳點口中即差○治小兒

初生三日去驚邪辟惡氣用牛黃大豆許細研以赤
蜜如酸棗許共研勻以綿蘸之與吮一日令盡○治
兒生七日助穀神以導達腸胃用粟米研爛煮粥飲
如乳每日與半粟穀喫○又方兒生三日即以粳米
搗碎煮作濃汁如乳與大豆許於口中

胎熱胎寒

治小兒胎中受熱生下面赤眼閉不開大小便不通
不能進乳用澤瀉二錢半生地黄二錢猪苓赤茯苓
天花粉各錢半茵陳甘草各一錢剉碎和勻每服三
錢水一盞煎七分令乳母食後捏去宿乳服藥少傾

乳之○治小兒生下遍體皆黃身熱大小便不通乳
食不進啼叫不止用生地黄赤芍藥川芎當歸天花
粉各一錢水一盞煎七分乳母服并畧滴此小兒兒
口中○治小兒腦熱常閉目用大黃一分水二盞漬
一宿每日與半盞頻稍服及塗頂上乾即再塗○治
小兒五臟大熱用山梔子炒過為末每服二錢水煎
服○治小兒吐血不止用黃連末一錢豆豉二十粒
水一盞煎六分去滓溫服量大小加減○治小兒尿
血用甘草五分水六合煎二合一歲兒一日服令盡
○又方用升麻五分水五合煎一合去滓溫服○治

小兒大小便不通用蜂房燒灰爲末酒調一錢日二服○治小兒熱毒赤腫用破草鞋和髮燒灰醋和傅○又方用芭蕉根汁煎塗之○又方用伏龍肝爲末以芭蕉油調傅○又方用鯉魚膽或血塗即差○又方用向南燕窠泥爲末以雞子清調傅○又方用針將腫處畫破以蟬血塗之○又方用筆管盛水蛭挂腫上令食去惡血○治小兒胎中受寒生下再感外風面色青白四肢厥冷大便青黑及腹疼盤腸內弔用當歸炒黃耆蜜炙細辛黃芩龍骨桂心赤芍藥各二錢爲末每服以乳汁調下一字日三服仍看兒大小加減○治內弔腹痛用乳香沒藥各三錢木香姜黃各四錢木鱉十二箇爲末煉蜜成劑貯磁罐內量兒大小加減煎鈎藤湯化下○又方用蓬木半兩阿魏一錢以溫水化阿魏浸蓬木一晝夜焙乾爲末每服一字煎紫蘇米飲空心調下○治小兒盤腸氣痛用木香一塊於乳鉢內磨水半盞調乳香沒藥末少許煎數沸服之立効○又方用炒茴香延胡索等分爲末空心米飲調下量兒大小服之

重舌

治小兒重舌用黃蘗末和苦竹瀝點舌上○又方用

亂髮燒灰爲末傅舌下○又方用烏賊魚骨燒灰和雞子黃傅之○又方用針刺去惡血即愈○又方用蒲黃塗之亦差○治小兒舌重塞口欲滿者用紫雪一分竹瀝半合研勻頻置口中以盡爲度○治兒初生舌下有膜如石榴子連於舌根可摘斷之微有血無害如不止燒髮灰摻之若不摘斷令兒長大言語不利

驚口口瘡

治小兒白屑滿舌狀如驚口用髮纏指頭蘸井花水拭舌上如不脫濃煮粟木汁以綿纏筋頭蘸拭却用

煨過黃丹摻之○又方用硃砂白礬等分爲末先以亂髮纏指措舌上令淨以末傅之○治小兒口瘡通白及風疳瘡蝕透者用白殭蚕炒黃爲末蜜和傅之立効○治小兒心有客熱滿口生瘡用天南星末醋調貼脚心○又方用吳茱萸爲末米醋調塗脚心亦可○又方用黃連爲末蜜水調服○治小兒口生爛瘡用牯羊生乳含之差○又方用桑皮中白汁傅之便愈○治小兒口瘡飲乳不得用白礬如雞子大置好醋一盞中頻塗兒足底即愈○又方用硝石爲末摻瘡日三五度亦治重舌○又方用巴豆一二粒去

殼研爛入硃砂或黃丹少許貼在顛上如四邊起小泡便用溫水洗去藥更用菖蒲水洗之甚効

臍風撮口

治小兒因剪臍傷於風濕或尿在抱裙之內遂成臍風面赤唇青啼聲不出名曰撮口用白殭蚕爲末蜜調塗口內即差○又方用牛黃一錢竹瀝少許研勻抹入口中○治小兒撮口及發瘰用晚蚕蛾二枚炙黃爲末蜜和傅兒口內○又方用蝸稍四尾殭蚕七枚瞿麥半錢爲末先以鷲毛管吹藥少許入鼻內使噴嚏啼叫後用薄荷湯調少許與服○又方用川烏

尖三箇麝香少許別研爲末和勻每服半字金銀薄

荷湯調下○治小兒臍赤腫用杏仁杵爛傅臍腫上

○治小兒臍瘡不乾用白礬煨白龍骨煨等分爲末

傅之○又方用綿子燒灰存性爲末塗傅○又方用

黃礬爲末貼之○又方用龍骨燒灰爲末傅之○又

方用飛礬爲末貼之○又方用甌帶燒灰爲末傅之

○治小兒撮口用雀窠鼠婦同研如泥先刺破兒口

角血出後塗藥在口角并口內○治撮口發噤用甘

草二錢半水一盞煎六分去滓溫與服令吐痰涎自

愈

胎驚夜啼

治兒在胎中受驚生未滿月而驚啼用硃砂牛黃麝香各少許研細取猪乳汁調稀抹入口中○治小兒夜啼用蟬蛻十四枚全者去大脚爲末入硃砂少許蜜調與吮服○又方用燈心燒灰塗乳上與喫○又方用雞翼安席下勿令母知○又方用乾牛糞如手大安卧席下勿令母知子母俱吉○又方用前胡爲末蜜丸如小豆大日服一九熱水下至五七丸以差爲度○又方用火粧頭一箇長四五寸削平一面硃砂寫云撥火杖撥火杖差來作神將捉着夜啼鬼打設不要放急急如律令○又方用燈花二枚或四枚研爲末以燈心煎湯調抹口中乳汁送下日三服○治小兒腹痛夜啼用牛黃如小豆大乳汁化服○又方用甘草炙黃耆當歸赤芍藥木香等分爲末每用少許塗乳頭上使吮服○又方於兒臍下用朱筆書田字一箇即差○治小兒驚啼用具麝香研細每服清水調下一字日三量兒大小與服○治胎驚風癇啼叫用金蝎一枚以生薄荷四葉裹之線札定火上炙躁爲末分作四服或入麝香硃砂少許麥門冬湯下若大人風痰作一服○又方用仙人杖安睡處身

畔此杖即筭欲成竹時立死者

變蒸發熱

治小兒變蒸與傷寒相似但上唇中心有白點子者
爲變蒸用麻黃去節大黃杏仁各一分燒灰存性爲
末每服一字水半盞煎服抱兒於溫暖處連進之有
微汗身涼即差○治小兒變蒸發熱或咳嗽痰涎鼻
塞聲重用人參白朮白茯苓白芍藥甘草天花粉桔
梗各二錢細辛一分爲末每服一錢水半盞姜一片
薄荷一葉煎服○治小兒發熱用郁李仁根煎湯浴
洗○又方用苦參煎湯浴洗○又方用白芷煮湯浴
之避風○治小兒執渴不止用葛根半兩水一盞煎
六分去滓溫服○治小兒五心煩熱渴欲飲水者用
黑豆水煮熟與食之并飲汁即愈

急慢驚風

治小兒急慢驚風用乳香甘遂等分爲末每服半錢
乳香湯調下或童便調亦妙○又方用牛黃一錢水
研細先以蛇退一分水一盞前半盞瀝去滓調牛黃
服五歲以上倍服○又方用冷坑中糞清水一呷與
之服即愈○又方用青礞石磨水灌服○又方用青
礞石末一兩煇硝一兩同入甘鍋內炭火煇通紅須

消盡爲灰候冷如金色研爲細末急驚風痰發熱者
薄荷自然汁入蜜調服慢驚脾虛者以青州白丸子
碾煎稀糊入熟蜜調下神效○治小兒驚風用胡孫
糞燒灰存性碗覆地上出火毒爲末生蜜調少許灌
之○又方用白殭蚕蛭稍等分天雄尖附子尖共一
錢炮爲末每服一字或半錢以生姜溫水調灌之○
又方用苦丁香藜蘆等分爲末每服半錢溫酒調下
○治小兒急驚壯熱上壅痰涎大便不通用鬱金雄
黃各一分膩粉半錢爲末醋糊丸如黍米大一歲二
九薄荷湯臘茶清下○又方用大黃朴硝各二錢爲
末每服一字溫茶清或冷水調下○又方用生姜自
然汁百沸湯和服亦效○治小兒慢驚風用白殭蚕
全蝎各三枚微炒爲末每服一字煎麻黃湯調下○
又方用輕粉硃砂不拘多少爲末七月初五日取青
蒿研汁丸如粟米大一歲已下服一九二三歲服二
三九乳汁送下亦治急驚風○又方用北棗陳皮濃
煎湯服○又方用烏藥磨水暖軟與服○治驚風痰
嗽時作潮熱用南星二兩天竺黃半兩雄黃辰砂各
一分別研麝香一錢別研爲末煉蜜丸如芡實大甘
草薄荷湯化下一丸○又方用南星半夏各半斤米

泔水浸南星一二日半夏五七日以透為度洗淨晒乾切作片生姜自然汁浸一日夜洗出晒乾濃皂角水浸一日夜洗出晒乾明礬水浸一日夜洗出晒乾朴硝水浸一日夜洗出晒乾為末每末三兩入硃砂一兩麝香半錢滴水研丸如雞頭肉大驚風金銀煎湯化下有熱薄荷煎湯化下咳嗽人參或五味子煎湯化下冬月加川烏夏月加礪砂尤妙○治小兒驚邪用燕窠屎煎湯浴洗良○治小兒熱驚客忤用驢乳與飲○治小兒壯熱驚癇用李葉煎湯浴洗○治小兒驚癇迷悶嚼舌仰目用牛黃一大豆許研和寒水服之○治小兒驚癇用熊膽兩大豆許和乳汁及竹瀝服得去心中涎良○治小兒驚癇疳痢用虎膽研水服之○治小兒胎風手足搐搦用蚕休為末即紫河車又名金線重樓每服半錢冷水調下○治小兒米滿月驚似中風欲死者用硃砂為末新汲水調塗五心上立効○治小兒驚癇寒熱用鈎藤甘草炙各二分水二盞前半盞日夜溫服大良○又方用羚羊角燒灰為末酒調或乳汁服○治小兒急慢驚風用硃砂一豆粒大殭蚕全蝎各一枚為末乳汁調塗兩太陽穴并五心舌上○治小兒牙關不開用南星

煨熟紙裹不要透氣剪雞頭大一竅透氣於鼻孔中
牙關立開○治小兒并大人噤口風用不蛀皂角炙
去皮子蘿蔔或子共研爲末米醋調以雞翎蘸塗牙
齦上即差○治驚風手足搐搦涎潮上壅用川烏生
去皮臍一兩全蝎十箇去毒爲粗末作三服水一盞
姜七片煎七分溫服○治小兒百日左右恐被風吹
顛門用麝香蝎尾去毒薄荷葉牛黃青黛末各一字
七以熟棗肉和成膏新綿上塗勻貼於顛上四方可
出一指許火上炙手頻熨封之無患顛亦易合○治
小兒解顛不合即顛門用蠟螯足及白歛各半兩爲
末乳汁和貼骨縫上或生搗爛塗亦得

中惡天吊

治小兒卒中惡毒心腹刺痛腹皮青黑不能喘息悶
亂欲死用女青末內口中并治吐痢卒死酒服亦治
大人○又方急服蘇合香丸及用皂角末吹鼻內○
又方用降真香白膠香沉香虎頭骨炙鬼臼龍膽草
人參茯苓雄黃各半兩麝香一錢爲末煉蜜丸如茨
實大乳香湯下一丸及令兒佩帶并燒卧房內尤妙
○治辟惡魅用虎爪懸小兒臂上○治小兒蘊熱痰
塞經絡頭目仰視名爲天吊用金牛兒即蟬殼以漿

水同煮一日曝乾爲末每用一字冷水調下○又方
用雄黃別研甘草炙荊芥穗炒白礬煨臘茶等分爲
末每服半錢至一錢人參湯或薄荷湯調下仍量大
小如減服○又方用鈎藤人參犀角屑各半兩甘草
炙全蝎天麻各一分爲末每服一錢水半盞煎三分
溫服

風癩

治小兒癩熱煩悶發渴用屋遊即屋上青苔煮汁服
之立効○治小兒風癩熱癩用細辛大黃炮防風各
三分甘草炙犀角屑各半分水半盞煎服○治小兒
風癩用全蝎五枚大石榴一枚剉去蓋并子以蝎放
在內仍蓋之紙泥固濟微火炙乾漸加火燒令通赤
放冷去泥取石榴爲末每服半錢或一錢乳汁調灌
之立愈兒稍大用防風煎湯調下○又方用蟹甲炙
黃爲末每服一錢乳汁調下亦可丸如小豆大每服
三丸乳下○治小兒諸癩用白木蜜浸厚朴以甘草
水煮焙乾各一分附子去皮脂犀角鎊末各一錢全
蝎七箇每箇以薄荷葉裹定却將麻黃湯泡軟纏縛
慢火炙黃爲末取竹瀝爲膏丸如黑豆大每服一九
金銀薄荷湯化下隨兒大小加減○治小兒癩癩及

婦人心風諸疾用甘遂末一錢猪心一箇取三管頭
血三條和甘遂末將猪心批作兩片入藥在內用線
縛定濕紙包裹慢火煨熟不可過度取藥細研辰砂
末一錢和勻分作四丸每服一丸猪心煎湯化下再
服別取猪心煎湯極効○治小兒胃寒虫上諸證危
惡與癩相似用乾漆燒烟盡白蕪荑等分爲末米飲
調下一字至一錢○治小兒發熱驚癇毛焦疳痢羸
瘦用青黛末蜜水調方寸匕服○治癩疾愈後復作
用黃耆蜜塗灸鈎藤鈎子細辛甘草各半兩蛇退
皮二寸酒炙蟬殼四箇洗去土半黃一字別研爲末

棗肉丸如麻子大人參湯下一歲十丸仍量大小加
減

感冒欬喘

治傷寒發熱心煩燥渴用麻黃去節人參川芎芍藥
獨活各三分前胡一分每服一錢水半盞姜一片薄
荷一葉煎服○治傷寒發熱自汗虛煩用黃耆一錢
白芍藥三錢甘草炙人參熟地黃各半錢每服二錢
水半盞煎乳母同服○治時氣或瘡癩發不出用葡
萄子生爲末每服一二錢溫酒或米飲調下大効○
治傷寒後肌熱咳嗽用枳胡一錢甘草三分水半盞

煎服○治傷寒發熱如瘧大小便不利用柴胡五分
半夏湯洗七次二分黃芩一分參甘草炙各一分水半
盞姜一片棗一枚同煎服○治感冒風濕頭目昏重
寒熱往來霍亂吐瀉用厚朴姜製蒼朮泔浸藿香葉
甘草半夏陳皮各二分水半盞姜一片棗一枚煎服
凡四時瘟疫山嵐瘴氣不伏水土者並宜常服○治
中暑發渴或作瘧痢用香薷四分白扁豆炒厚朴姜
製各二分黃連一分水半盞煎沉冷服○治中暑身
熱煩渴嘔吐用澤瀉三分白朮諸苓赤茯苓各分半
肉桂一分水半盞煎服或為末執湯調服○治發熱
咳嗽氣喘面紅用人參天花粉等分為末每服半錢
蜜水調下○治傷風發熱咳嗽喘急用麻黃去節三
分杏仁去皮尖炒黃四分肉桂甘草各一分水半盞
煎服有汗者不宜服○治肺氣壅盛咳嗽不已用桑
白皮炒地骨皮各半錢甘草炙二分水一盞粳米三
十粒同煎食後服○治小兒盜汗寒熱往來用胡黃
連柴胡等分為末蜜丸如雞頭大每服二丸銀器中
以酒少許化開入水五分重湯煮二三十沸放溫食
後和滓服○治小兒咳嗽用露蜂房洗淨燒為末每
服一字米飲調下○又方用生姜四兩剉碎以水四